



Allsang i Gamleskulen, ved trubadurane Kristian og Reidar. Bjørg Hauge og Arnhild Myklebust svingar seg.

**Allsang er in for tida både i TV og andre stader og for få veker sidan slo allsangen skikkeleg an i Gamleskulen under Cafe Tlaren. Det frista til reprise og laurdag klokka 16 kjem den, men då flytta ned til sjøkanten i tråd med restauranten sitt motto..**

**Systeme Nilsen er med andre ord staden og om det blir inne eller ute avheng av vertilhøva.**

Dei lokale trubadurane Reidar Myklebust og Kristian Bringedal song og spela sist. Bringedal kjem att med trekkspelet, men no blir han assistert av Arne Siunde på bass og Ragnvald Myklebust på gitar. Det vil med andre ord danna ein god, gammaldags trio.

Det blir også eit innslag med deklamasjon ved Kjell Yri og ei lita markering av at uskedalen.no har halde det gåande i 5 år.

Med omsyn til songane blir dei kjente og kjære, lovar initiativtakarane som også fristar med enkel servering.

Det bør kunne bli ei triveleg ettermiddagsstund der fastbuande og tilreisande både får reinska strupene og teke seg ein svingom. Og ettersom det skjer ved sjøkanten, blir det vel også litt sjøsprøyt i songane?

Tekst og foto: Ola Matti Mathisen